

Headlines

1. प्रधानमंत्री नरेन्द्र मोदी होरें अज्ज “परीक्षा पे चर्चा” दी दुई कड़ी च विद्यार्थियों गी आखेया जे ओह मोबाईल फोन गी मालक नेंई बनन देन। सगुआं एहदा इस्तेमाल पढाई-लिखाई आस्तै करन।
2. उपराज्यपाल मनोज सिन्हा होरें अज्ज जम्मू दे के.के. हक्कू स्टेडियम च जम्मू-कश्मीर पुलस शहीद-स्मारक हॉकी टूर्नामेंट दा उदघाटन कीता।
3. मुखमंत्री उमर अब्दुल्ला होरें विधानसभा च इस गल्लै दा यकीन दोआया जे हर इर घरै गी बिजली उपलब्ध करोआई जाहग।
4. केन्द्र नै 5 ज्हार इक सौ नत्ती करोड़ रपे दी लागत आली सावलकोट पनबजिली परियोजना पर कम्म शुरु करने दा हुक्म दिता। सिंधु जल संधि दे मुअत्तल होने दे बाद एह पैहली बड्डी परियोजना ऐ।
5. ते जम्मू-कश्मीर नै क्रिकेट दे इतिहास च रंजी ट्रॉफी सैमीफाईनल च पैहली बारी पुज्जियै इक नमां ध्याय लिक्खेया ऐ।

<><><><><><>

PM-PPC

प्रधानमंत्री नरेन्द्र मोदी होरें अज्ज आखेया ऐ जे विद्यार्थियों गी तकनीक दा गुलाम नेंई बनना चाहिदा- सगुआं एहदा इस्तेमाल अपनी क्षमताएं गी बधाने लेई करना लोड़चदा। “परीक्षा-पे-चर्चा” दी दुई कड़ी च अज्ज विद्यार्थियों कन्नै गल्लबात करदे होई उ’नें गलाया जे मोबाईल फोन किश बच्चें लेई मास्टर बनी गेदे न- जेहडे फोन जां फही टी.वी बगैर रुट्टी बी नेंई खन्दे। उ’नें बच्चें गी आखेया जे एहदा मतलब तुस मोबाईल फोन दे गुलाम बनी गेदे ओ। हूंन एह फैसला तुसें गी करना होग जे तुस एहदे इस्तेमाल पर काबू पाओ। मोदी होरें एह गल्ल Coimbatore रायपुर-गुवाहाटी ते गुजरात च विद्यार्थियों कन्नै लोआई गेदी गल्लबात दौरान आक्खी।

<><><><><><>

LG- Hockey

उपराज्यपाल मनोज सिन्हा हो'रें अज्ज जम्मू दे के.के. हक्कू स्टेडियम च जम्मू-कश्मीर पुलस शहीद स्मारक हॉकी टूर्नामेंट दा उदघाटन कीता। तकरीबन 10 बरे मगरा आयोजित कीता जा'रदा एह टूर्नामेंट उ'नें दलेर पुलसकर्मियें गी समर्पति ऐ- जिनें अपनी ड्यूटी गी अंजाम दिंदे होई अपनी जिंदु दा बलिदान देई दिता। किट्टै गी सम्बोधित करदे होई उपराज्यपाल हो'रें गलाया जे एह कार्यक्रम पुलस शहीदें दी दलेरी ते बलिदान गी सम्मानित करने दे कन्नो-कन्नो-जम्मू-कश्मीर च खेडु संस्कृति ते नौजवानें दी शमूलियत गी बढ़ावा देने च मदद करोग। जम्मू-कश्मीर पुलसै दे संकल्प गी उजागर करदे होई उपराज्यपाल हो'रें गलाया जे साह्ठी हिम्मत कुसै बी मुसीबत कन्नै टूटी नैई सकदी। उ'नें गलाया जे अस अगगे बदधे होई हर मुश्कल पार करियै नमियां उपलब्धियां हासल करगे।



CM- Electrification

मुख्यमंत्री उमर अब्दुल्ला हो'रें अज्ज विधानसभा च इस गल्लै दा जकीन दोआया ऐ जे सरकार हर इक घरै गी बिजली उपलब्ध करोआग। उ'नें गलाया जे जियां-जिया ग्राएं ते बस्तियें च घरें दी तादाद बदधी जाग। इयां-इयां सरकार हर इक घरै गी बिजली उपलब्ध करोआग। मुख्यमंत्री हो'रें आखेया जे दूर-दरेडे इलाकें च बिजली उपलब्ध करोआना इक जारी प्रक्रिया ऐ जेहदे च तफसीली परियोजनां रिपोर्ट त्यार कीतियां जा'रदियां न ते कम्म बरोबर चला'रदा ऐ। मुख्यमंत्री हो'रें एह गल्ल विधानसभा च बी.जे.पी विधायक सतीश शर्मा हुं'दे आसेया पुट्टे गेदे इक सोआलै दा पता दिंदे होई आक्खी। मुख्यमंत्री हो'रें सदन गी जानकारी दिती जे जम्मू संभाग दे सब्भनें ग्राएं च बिजली उपलब्ध करोआई जा'करदी ऐ।



JK-Unemployment

जम्मू-कश्मीर सरकार नै सोमवारें विधानसभा गी जानकारी दिती ऐ जे केन्द्र शासत प्रदेश च बेरोजगारी दी दर मौजूदा समें च 6 इशारिया 7 फीसद ऐ- जेहड़ी राष्ट्रीय औसत 3 इशारिया 5 फीसद थमां मती ऐ। एह जानकारी सरकार आसेया विधायक मुबारक गुल हुं'दे आसेया पुच्छे गेदे इक सोआलै दे लिखित परते च सांझी कीती गेई। सरकार नै आखेया जे अवधि आले श्रम बल सरबंधी सर्वेक्षण मूजब- जम्मू-कश्मीर च 15 बरे शा बद्ध उमरी दे लोकें च बेरोजगारी दी दर च

पिच्छले किश बरे दौरान तब्दिलियां दिक्खियां गेइयां न- पर एह लगातार राष्ट्री औसत थमां उप्पर बनी दी रेही ऐ।

<><><><><><>

Rly -Bulls

माल ढोआई च इक होर बड्डी उपलब्धि हासल करदे होई। उत्तरी रेलवे दे जम्मू डिविजन नै पैहली बारी 23 विदेशी नस्ल दे बैलें गी बैंगलुरु थमां जम्मू-कश्मीर पजाया ऐ। आकाशवाणी जम्मू संवाददाता दी रिपोर्ट मूजब विदेशी नस्ल दे इनें 23 बैलें चा 6 गी जम्मू-कश्मीर दे बड्डी-ब्राह्मणना माल शेडु ते बाकी 17 गी कश्मीर दे बडगाम Good च तोआरेयी गया हा। एह पैहलकदमी राई-बाई ते पशु पालन विभाग दे नस्ल सरबन्धी विकास कार्यक्रम दा इक हिस्सा ऐ-जिसी रेलवे आसेया सखल्ला बनाया गया। जम्मू रेलवे डिविजन दे जन-सम्पर्क इंस्पैक्टर रघुविंदर सिंह हो'रें आखेया जे जम्मू-डिविजन माल ढोआई दे क्षेत्र च नमीं प्रगति दे कन्नो-कन्नी ऐतिहासिक मील दा पत्थर बी हासल करा'रदा ऐ।

<><><><><><>

Sawalkote Project

सिंधु जल समझौते –IWT गी मुअत्तल करने मगरा- इक महत्वपूर्ण फैसले च केन्द्री सरकार नै आदेश दिता ऐ जे उधमपुर ते रामबन जिले च चिनाब दरिया पर सावलकोट पनबिजली परियोजना दा कम्म शुरु किता जा रदा ऐ जेदी लागत 8 ज्हार 129 करोड़ ऐ। आकाशवाणी जम्मू संवाददाता नै जानकारी दिती ऐ जे इस परियोजना पर कम्म शुरु करने दी घोषणा केन्द्री सरकार नै पहले 10 अक्तूबर 2025 गी किती ही- जिसलै 22 अप्रैल दे पहलगाम आतंकी हमले मगरा सिंधु जल समझौते गी खारिज करी दिता गया हा। 10 अक्तूबर गी सरकार नै परियोजना आस्तै पर्यावरण दी संभाल गी ध्याने च रक्खदे होई Clearance सिफारिश कीती ही। 4 दहाके थमां चल'दी सावलकोट परियोजना चिनाब दरिया च भारत दी बड्डी पन-बिजली परियोजनाएं चा इक ऐ।

<><><><><><>

Itto Medical Care

सेहत ते मैडिकल शिक्षा मंत्री स्कीना इत्तू हो'रें अज्ज विधानसभा च जानकारी दिती जे मौजूदा सेहत सेवा इदारे गी विकास ते बेहतरी सरकार दी पैहली प्राथमिकता ऐ ते इस बारे मता ध्यान ग्राएं ते दूर-दरेडे क्षेत्रें च दिता जा'रदा ऐ। आकाशवाणी जम्मू संवाददाता नै जानकारी दिती ऐ जे मंत्री हो'रें विधानसभा सदस्य मीर महोम्मद फ्याज़ हुं'दे उप-जिला अस्पताल- कुपवाड़ा बारे इक सवाल दे परते च ए गल्ल आक्खी। मंत्री हो'रें आक्खेया जे भारती लोक सेहत मानकें – IPHS साहबै- हर जिले च इक जिला अस्पताल होना लाज़मी ऐ।

<><><><><><>

Cluster University

शिक्षामंत्री स्कीना इत्तू हो'रें आखेया जे जम्मू ते श्रीनगर दे दवै क्लस्टर युनिवर्सिटियें गी बक्ख-बक्ख निर्माण कम्में आस्तै ज़िमी अलॉट किती गई ऐ। आकाशवाणी जम्मू संवाददाता नै जानकारी दिती ऐ जे विधानसभा सदस्य तनवीर सादिक हुं'दे सवाल दे जवाब च मंत्री हो'रें ए गल्ल सांझा कीती। मंत्री हो'रें आखेया जे दवै युनिवर्सिटियां श्रीनगर ते जम्मू क्लस्टर युनिवर्सिटियां कनून 2016 हैठ स्थापित कीतियां गेइयां हियां। इंदी स्थापना राष्ट्री उच्चतर शिक्षा अभियान RUSA हेठ किती गई ही।

<><><><><><>

Cricket-Ranji

जम्मू-कश्मीर नै क्रिकेट दे इतिहास च रंजी ट्रॉफी सैमिफाइनल च पैहली बारी पुज्जियै इक नमां अध्याय लिक्खेया ऐ। रंजी ट्रॉफी 2025-26 दे क्वाटर फाइनल च मध्य-प्रदेश गी 56 रन्जें कन्नै हराइयै टीम नै ए मुकाम हासल कीता। इंदौर नै होल्कर स्टेडियम च मध्य-प्रदेश दे खिलाफ इस शानदारी जित्त आस्तै आकिब नबी ते 12 विकेटें दा खास योगदान दिता। मुख्मन्त्री उमर अब्दुल्ला हो'रें जम्मू-कश्मीर क्रिकेट टीम गी उन्दे उम्दा प्रदर्शन पर बधाई दिती ऐ।

<><><><><><>